

左恪靖侯奏稿續編

恪情奏稿續編卷十二目錄

遵撥甘餉以期兼顧摺

各軍獲勝彙案補報片

現籌防剿情形摺

防軍剿賊連勝摺

擒竄直境截剿疊勝摺

補報喜昌戰事片

遵撥甘餉以期兼顧摺

奏爲遵

旨籌撥甘餉以期兼顧事

臣

欽奉四月十六日

寄諭穆圖善奏甘省餉需甚急請飭各省督撫將協甘專款徑解甘肅等語前因穆圖善奏請分撥甘餉設立後路糧臺並由漢中採辦兵米各摺片當交戶部速議具奏本日據該部奏稱甘餉十分竭蹶前飭勻撥並請飭王文韶辦理後路糧台各等語甘省軍務緊急餉項十分匱乏必須各該省分別撥濟方免譁匱之虞卽著

照該部所議辦理左宗棠身任甘督本屬責無旁貸豈得坐視甘餉缺乏置之不顧著於前項借款解到時飭令糧台酌度分撥戶部摺著鈔給左宗棠穆圖善閱看並著該督等行知各該省迅速籌解無稍蒂欠致悞要需欽此竊維陝甘兩省同值時艱徵臣任重兼圻穆圖善見權督篆所辦者一人之事豈宜在陝言陝在甘言甘於轄境中復存此畛爾界之見茲奉

諭旨於前項借款解到時飭令酌度分撥臣查前項借款合四成洋稅共二百萬兩原擬兩省公用除臣軍赴

直所有餉需經費應於此項二百萬兩內劃提俟事竣核銷作爲陝甘公款外所有上項銀兩應兩股平分一半給陝一半給甘以免輻輳惟平慶涇固四府州雷正綰張在山譚玉龍等各軍本係甘軍甘餉舊由河東協甘款下解交甘肅後路糧臺發給上年冬間穆圖善催河東協餉徑解秦州致各軍餉源頓失所望臣於山西途次接到林壽圖稟報當飭於陝餉內勉爲措解並照飭雷正綰等力加裁汰歸併以期核寔此數軍者以甘軍駐甘地應食甘餉從前於陝西設立甘肅後路糧台

亦因便於就近發餉之故四府州地勢爲秦隴關鍵自唐以來涇原邠甯常稱重鎮而現爲陝甘回逆出沒之衝勾結盤踞之所尤不可無軍鎮壓將來陝事底定臣軍分道入甘此其必由之路臣上年奏明穆圖善擬撤陝西後路糧臺歸併秦州之議者以此平慶涇固地方被害最深最久丁絕產荒軍糧尙須從長武一帶購運各文武將領號呼迫切之稟目達於陝劉典林壽圖於無可羅掘之時勉強湊撥而自顧不遑萬難兼及又田興恕謫戍赴甘時其舊部多從之時值穆圖善調秦州

之軍赴省秦州空虚署鞏秦階道豫師商留其部由一
營爲護台之用而難於籌餉臣飭其專供軍食而月餉
則由臣撥給此亦應由甘省支銷者此外應由甘省支
銷之款臣由陝赴晉入直東文案輜重多寄頓沿途地
方行營無從查考今既擬以洋款半給甘肅則應劃清
甘省應支之款歸西安所設甘肅後路糧台支發以昭
公允臣現飭王文韶王加敏於洋款過鄂時先提銀二
十萬兩交甘肅委員解甘下存之銀仍統解陝西交林
壽圖將甘肅餉項核算酌留若干就近勻撥一面將長

存之項陸續解甘以期兼顧是留甘省應得之餉濟甘
省應餉之軍於甘省絲毫無所損矣必盡提協餉統道
秦州置平慶涇固於不顧乎此遵

旨酌度分撥借款寔情也其山西山東河南等省應協
甘餉由各省分半徑解甘肅秦州糧台湖南江西協款
由王文韶催收一半交甘肅委員領解河東道每年蘭
州常餉由山西撫臣徑解蘭州四川協甘采米月餉上
年十月以後由四川督臣起解臣現已一面分別咨行
催取矣所有遵

旨傳撥甘餉情形謹據寔覆陳伏乞

皇上聖鑒訓示施行謹

奏 同治七年閏四月十八日

軍機大臣奉

旨戶部知道欽此

各軍獲勝彙案補報片

再據劉松山張曜宋慶春壽喜昌稟報初四日追賊至
德平李家莊賊不及防劉松山由中路張曜由左宋慶
由右春壽喜昌張兩翼同進三面夾擊賊敗奔走數里

值小港橫前各軍蹙之生擒賊目楊沅黃應順李中和
及長髮悍賊一百二十餘名得戰馬二百餘匹陣斬髮
逆三四百名而劉松山所部哨官記名聽兵宋發興宋
慶所部哨官守備李學文皆深陷賊陣中炮殞命各軍
傷亡兵勇共四十餘名賊敗向東北轉向正東而竄初
六日竄過海豐東北四十里復折向慶雲縣東北境劉
松山等追及之騎賊二千餘忽拚死反撲劉松山麾所
部奮威衝殺立斃執旂賊數十名張曜復由閑家莊繞
出賊後宋慶與春壽喜昌亦由大李莊橫截而出賊遂

敗潰斃賊二百餘名初七日追過鹽山至滄州界是夜
四鼓擒首高老步韓錦生等率黨三百餘周老鳳率黨
七十餘詣劉松山張曜軍前乞撫訊知賊中洵懼殊甚
張總愚嘆各賊擄板片繩索向泊頭下口一帶搶撲運
河劉松山等立於五鼓拔營初八日午刻馳抵下口附
近村莊見賊方搶運板片箱櫃劉松山等馬步並進賊
勢不支折向西南紛竄劉松山等循東岸追殺三十餘
里至東光縣南沿途共斃賊數百生擒三十餘名賊方
擬搶撲連鎮聞臣軍已移駐連鎮遂繞由梁家集撲吳

橋適臣由連鎮徑趨吳橋劉松山等各軍亦躡追而至而賊又從東南逸出所有初九日以前劉松山張曜宋慶春壽喜昌馬步各軍追剿獲勝情形謹彙案補報所有陣亡之記名總兵宋發興守備李學文應懇

天恩飭部從優議卹以慰忠魂其初九日以後前敵諸軍戰事應概由李鴻章彙報以免歧互謹附片陳明伏乞

聖鑒訓示施行謹

奏

同治七年閏四月十八日

軍機大臣奉

旨宋發興李學文均著交部從優議卹欽此

現籌防剿情形摺

奏爲現籌防剿情形仰祈

聖鑒事竊臣前因捻逆圖由東昌竄越運河北窺東昌

一帶牆工已成防軍厚集追軍又緊躡其後度不得逞

遂折向東北疾趨仍圖撲直隸運河臣時在吳橋慮直

隸運河地段綿長防軍單薄所恃居民羣萃西岸自相

團結憑河固守惟中段連鎮上下數十里間向無大村

鎮民居星散牆工未興如運河水勢仍前泛漲尙可恃

以無虞無如連日暢晴計日落數寸旬日則已數尺局

勢懸殊東岸民人時以賊至相恐投避西岸西岸斷渡
不納風謠頻起一日數驚臣於初六日四鼓率親軍五
千衝枚急進初七日未刻馳抵連鎮探騎回報數十里
內尙無賊蹤因包連鎮築壘開壕屏蔽要津以重形勢
並移全軍駐之初八日未刻賊騎由南皮界竄至東光
縣城邊將犯連鎮大隊距連鎮已不過三十餘里蓋不
知臣軍已先夕移據其地也臣得報後一面促修壕壘
一面派騎兵分途偵之遇賊邊騎分段掩截擒老賊牛
景兒等及從前官軍被擄者其二十餘並奪其馬訛知

賊意直注連鎮途間聞連鎮已有官軍駐紮改向正南
急趨各起邊馬亦均折回南竄是夜四鼓臣復引軍赴
吳橋初九日辰刻抵西關賊則已於先夕由吳橋進東
向南竄去矣比劉松山張曜宋慶程文炳郭運昌喜昌
馬步各軍馳至吳橋則已無及臣以連鎮緊要所修牆
壕未固是日仍馳回連鎮察度賊情妄思竄越運河西
岸別覓生路如運河防固則猛撲滅河亦在意中訛據
生擒各賊及降人所供大略相同竊維防剿各軍均集
德州臨清東昌一帶此外惟滄州減河駐有楊鼎勛一

軍余承恩劉景芳各營約計馬步尙有一萬四五千而

運西則僅劉祺三營明義博崇武馬隊兩起

臣

屢奉

諭旨嚴扼運西所部亦止親軍五千人自吳橋轄境起至滄州捷地減河水路一百六十餘里兵力實止減河防軍之半而

臣

駐東岸連鎖以剿爲防除守壘外出隊

八成不滿四千之數且剿且防兵力不敷現在各軍任防者約六七萬前敵之軍除劉松山郭寶昌喜昌馬步三軍外尙四萬有奇聞陳國瑞帶來勇丁亦一萬二千有奇是南路防剿之軍多於北路不止數倍近奉

論旨又須酌撥數營分防滅河藉資休息而揣度賊勢
既不得遲於南必仍肆志於北待其既北而防之必落
賊後無疑且劉松山喜昌馬步兩軍由陝西山西河南
直隸以至山東與剿猾之寇相追逐積有歲時兵馬實
形勞頓若不及時稍予休息誠恐無益有損劉松山實
一時名將近時數數接晤肌膚銳滅詢知咯血之疾日
甚一日雖滅賊之志未衰而臣不能無慮也其張曜宋
慶程文炳春壽馬步各軍均已交李鴻章調度正緊蹙
賊蹤向西南迫剿臣現調劉松山移軍回紮東光縣北

二十里下口一帶郭運昌紮柳莊一帶北距減河尙七
十里分劉松山所部記名提督黃萬友帶兩營蘇松鎮
總兵章合才帶一營馬隊一營與郭運昌所部一營共
合五營前赴減河運河交接地方分紮一面各減河防
軍湖南提督楊鼎勛將現駐減河口之營勻縮十里向
東移紮以便劉景芳余承恩等營節遞勻減移向東北
以期周密黃萬友等馬步五營所以移駐減河偏四十
里者以其地防務緊要黃萬友宿將可恃又本係劉松
山軍中分統之員一軍分紮聲息時通可期互爲聯絡

也其滅河東北濱海各處乞

飭下崇厚將現紫各軍勻撥分紫可期周妥再查滅河
洩運入海河形係向東迤北其入海之處距津郡不過
數十里賊如窺伺東北似天津之軍亦可馳往策應以
壯聲援津郡旣恃滅河爲外護臨時派軍策應滅河防
軍卽所以固津郡之防較之增調久戰疲勞之軍更爲
可恃至臣與劉松山郭運昌喜昌馬步數軍雖暫時分
滅運之防兼資休息然揣度賊情不久必仍將北竄尙
可易尾追之軍取攔頭橫截之勢於剿局不無微助區

區之愚仍不外且防且剿而已所有現籌防剿情形謹據寔直陳伏乞

皇太后

皇上聖鑒訓示謹

奏

同治七年閏四月十八日

軍機大臣 字寄同治七年閏四月二十日奉

上諭左宗棠奏現籌防剿情形一招捻逆現竄在平高唐博平等處疊經東皖及陳國瑞各軍擊敗該逆圖竄運西不遂勢必仍折而北向東光吳橋及天津減河一

帶搶渡左宗棠分防地段自吳橋至滄州減河捷地一百六十餘里僅止親軍五千人並劉祺三營及明慶傅崇武馬隊兩起兵力較單該大臣現調劉松山移軍回紫東光所屬之下口一帶郭運昌軍移紫柳莊一帶並分劉松山所部黃萬友章合才四營郭運昌所部一營前赴減河運河交接地方駐紮兼令楊鼎勛所部現駐減河之營勻縮十里向東移紮以便劉景芳余承恩等營接遞勻減移向東北籌辦尙屬妥協至減河下游入海處所距津郡僅數十里該處防軍卽可由津軍內就

近撥往著崇厚卽撥津軍各營並添募勇丁前赴下游
河岸嚴密扼守勿稍推諉左宗棠崇厚旣經專辦防務
卽當加意嚴守不得稍涉疎懈其進剿事宜卽著責成
李鴻章認真辦理務當督飭現在前敵各隊並陳國瑞
一軍儘力追剿與各處防軍互相策應俾得迭殄賊氛
春壽所統馬步各軍著李鴻章飭赴減河一帶協同防
守如遇賊蹤北竄卽可迎頭截剿並與喜昌所部馬隊
聯絡聲勢以厚兵力將此由六百里各諭令知之欽此

軍機大臣 字寄同治七年閏四月二十四日奉

上諭前因捻逆竄擾直東大肆猖獗疊經諭令左宗棠
李鴻章督兵剿辦並立定期限令於一月內剿辦淨盡
現在限期已滿而賊匪全股尙未蕩平仍復奔突自如
該大臣等辦理毫無成效本日已明降諭旨將左宗棠
李鴻章交部嚴加議處並令都興阿管理神機營事務
授爲欽差大臣令其督帶春壽所部馬隊並張曜宋慶
陳國瑞步隊前往助剿其餘吉林黑龍江馬隊亦歸調
遣兼命崇厚幫辦都興阿軍務仍駐天津督辦防守事

宜都興阿久歷戎行於管帶馬隊事務尤爲熟悉是以令其前赴直東一帶會同左宗棠李鴻章剿賊期於追剿迅速早行蒞事該大臣務當與左宗棠李鴻章等合力同心妥商籌辦不可稍分畛域崇厚亦當妥籌軍火糧餉接濟都興阿軍營並將天津防務嚴密布置不得稍形鬆懈左宗棠李鴻章都興阿同辦一事尤當互相聯絡隨地策應於運河防務固宜盡力布置於會剿事宜亦不可稍涉推諉致懈軍心官文丁寶楨英翰於防務事宜當隨時與都興阿左宗棠李鴻章合力籌辦不

可稍有觀望以期其殄賊氛懋應上賞將此由六百里
各諭令知之欽此

防軍剿賊連勝摺

奏爲防軍剿截北竄之賊連獲勝仗現正分途追剿謹
據寔馳陳仰祈

聖鑒事竊

臣

於閏四月十八日具奏防剿情形卽聲明

揣度情形不久仍將北竄可亦尾追之軍取攔頭橫截
之勢拜摺後劉松山郭運昌連日修砌營壘一面搬運
天津委解軍米存儲營內以備行糧將士亦以時稍資
休息二十一日臣所發甯津吳橋山東陵縣坐探均報
賊於十八日經張曜宋慶痛剿後十九日由山東臨邑

北竄德平縣縣城東西南三面均有賊蹤邊騎擾及城下二十日午後賊之前股似向東竄臣竊料追軍緊蹙賊後計期可抵陵縣甯津一帶賊必東趨樂陵北趨鹽山比卽馳函商之劉松山郭運昌向鹽山橫出截之劉松山郭運昌等卽於二十二日拔營向東路進發二十三日劉松山於途中得報賊竄山東武定府城西三十餘里楊家圈八里泡西北二十五里溫家莊卽與郭運昌商赴樂陵比抵樂陵城東北十餘里之于家莊詢知賊又竄向海豐縣之東南一帶劉松山慮北面空虛急

與郭運昌議北出鹽山截之二十四日晡間馳抵鹽山縣城東南八里之劉家莊詢知賊至海豐縣屬之大山一帶在官軍正東七十里卽於夜深月出時潛師東出行五十餘里抵小山暫憩樹林中適副將譚拔萃覘賊回報賊由東來折向北趨距我軍僅十里散漫馳騁似不知前有官軍者劉松山卽分軍由中右兩路郭運昌由左路整隊而進馬隊張兩翼隨之甫行二里許賊瞥見官軍卽便停止列隊官軍及其未成列也三路猛撲之賊不及支紛紛敗潰張總愚急喚馬步各悍黨回拒

官軍奮威衝殺賊下馬猛撲數次傷斃頗多乃向南潰竄劉松山郭運昌麾各營壓擊而南追至二十餘里沿途賊屍枕籍官軍方小憩取飲詎據活賊供前面十餘里小港前橫水不過尺而積淤甚深劉松山立飭各隊飛奔前進行八九里許賊正過港殿後之馬步悍賊忽見追軍又至急列隊回撲維時郭松林潘鼎新陳國瑞等追賊適抵港南已過港之賊復折而北劉松山郭運昌齊隊猛擊賊遂向西奔竄其東面零賊甫過港而北者希圖歸併西向經官軍截擊擒斬略盡各營乘勝追

殺二十五里至蘇家集天色已晚乃令收隊是日疾馳一百三十餘里兩獲勝仗計斃悍賊五六百名生擒二百餘名傷賊人馬不計其數救出難民亦無數拾取洋鎗長矛數百件奪獲騾馬四百餘匹官軍陣亡十五名受傷五十四名是夜賊於鹽山東虛燒望火以疑我軍而大股於五鼓踰鹽山而西踞城外數里村莊四出掠食劉松山等於三鼓後拔隊由鹽山東北向西急進天明已抵鹽山城北賊不虞官軍速至也見卽紛竄劉松山郭運昌令所部馬隊分路抄殺步隊繼之其未及竄

出者約一二百人經官軍馬隊圍殺淨盡四面各村踞
賊聞後路馬賊經官軍圍殺急喊大股回撲俟騎賊抄
過官軍之後馬步各賊乃拚死猛撲官軍靜以待之賊
近則先鋒後矛且轟且刺鏖戰一時悍賊斃者甚夥乃
紛向西南敗竄劉松山郭運昌合隊追殺二十餘里計
共擒斬悍賊四五百名內有賊目唐金生趙春元等數
名奪獲騾馬軍械甚多兩軍受傷者十八名而已是日
午後復追至樂陵縣之于家莊計且戰且追者又一百
三十餘里始令收隊而臣處甯津坐探馳報是日賊竄

至甯津縣東陽盤街東南樓子莊適東軍副將王心安帶所部十三營馳抵甯津城東二十七日卯刻出賊不意截擊大獲勝仗斃賊五六百名而劉松山等稟中朱及聲敘及之或係賊之分股未可定也二十七日午刻劉松山郭運昌追賊至德平屬之孔家鎮各營小憩村林中忽正南騎賊千餘突撲郭運昌隊伍郭運昌嚴陣擊之斃賊亦多比劉松山整隊來援賊去又遠是日追至德平城西北數里之李家樓探賊仍由德平之南竄去查德平之南與商河濟陽緊連西與臨邑陵縣接壤

李鴻章前調郭松林潘鼎新兩軍追賊時令張曜宋慶
回高唐夏津一帶原以待賊回竄防護運西此次賊由
武定海豐竄鹽山妄圖直何滅河賊蹤所至距滅河不
過三四十里幸劉松山郭運昌兩軍自運河東岸橫截
西出以剿爲防連獲勝仗賊始折而南趨其必窺伺運
防別覓生路固在意中所幸南路兵力厚集追軍又趨
重南路賊雖回竄必不得逞惟北路兵力本單劉松山
郭運昌仍須調回北路乃期周妥此次連日追逐計程
又七百餘里將士並未嘗藉詞允其休息稍存觀望似

尙知以大局爲重臣亦未忍再加迫促惟喜昌所部馬
隊二十五日已抵樂陵誤聞劉松山等已赴武定擬往
會剿而劉松山等時在鹽山東北剿賊未及合隊未免
空勞往返耳其郭松林潘鼎新陳國瑞王心安等軍戰
事應由李鴻章丁寶楨馳報所有劉松山郭寶昌連日
追剿獲勝情形謹據寔馳陳伏乞

皇太后

皇上聖鑒訓示謹

奏

同治七年閏四月二十九日

軍機大臣 字寄同治七年五月初二日奉

上諭左宗棠奏防軍截賊北竄連獲勝仗並追剿情形
李鶴年奏豫軍叠勝防運情形各摺捻逆由臨邑德平
竄海豐鹽山一帶官軍於上月二十四日以後叠次追
剿獲勝均有擒斬劉松山等由樂平丞赴鹽山截剿北
竄之路辦理尙合機宜賊蹤雖已由德平南竄仍虞伺
隙折回左宗棠當飭在防各軍嚴密扼守運河天津減
河下游著崇厚一體嚴防勿稍疎懈德州至臨清東昌
一帶李鴻章當與英翰丁寶楨等督飭各路官軍防剿

兼施勿任撲越運河並嚴飭各營認真痛剿不得沾沾
以小勝自喜稍涉鬆勁都興阿現已前赴天津著卽齊
集馬步各軍趕緊進剿既可杜其回竄兼可追剿迅速
並著左宗棠李鴻章英翰丁寶楨各飭所部一面嚴守
運河一面與都興阿聯絡聲勢會合夾擊不得因有都
興阿進剿遂至互相觀望總期和衷共濟合力同心膚
公早奏方爲盡心公事李鶴年所陳張曜等軍在夏津
等處獲勝情形尙係十一日以前之事現在賊仍由北
路南竄東昌臨清一帶正須嚴防馬德昭一軍已經李

鶴年派赴東昌著卽飭令該提督會同在防各營認真
過截該撫現帶四營馳赴大名著與臨清東昌防軍就
近策應隨時赴援以固運防並嚴飭帶隊員弁約束兵
勇毋任騷擾地方是爲至要將此由六百里各諭令知
之欽此

擒竄直境截剿疊勝摺

奏爲擒逆復竄犯直境官軍截剿疊獲勝仗現籌防剿情形恭摺馳陳仰祈

聖鑒事竊前月杪劉松山郭運昌喜昌等馬步各軍擊賊獲勝賊敗竄山東劉松山等收隊回運東原防藉資休息甫數日賊由東昌向東北回竄武定一帶騎賊已近海豐劉松山得報卽於初九日未刻率所部馬步各營與郭運昌及喜昌所部副都統富珠哩協領銜吉林佐領納蘇肯等擬向鹽山橫出截之初十日行至鹽山

縣西南四十里訶騎賊已竄至縣東南一帶遂折向正北冀繞越賊前爲攔頭之師是日行一百二十里抵鹽山城北李家莊聞賊已竄至鹽山東及東北游家莊程村一帶距營四十里東西相望然不意官軍速至也劉松山令軍士暫憩作炊三更食畢銜枚疾進繞山賊北壓剿而南行五十里直逼游家莊程村天尚未曙分步軍爲四路居中馬隊張兩翼隨之賊偵官軍三面掩至倉卒列隊抗拒官軍急起擊之擒斬甚夥各村踞賊聞鎗礮聲緊紛紛吹角齊隊當珠哩納蘇肯於時率各馬

隊馳至乘勢分路蹙之賊不及成列悉向東南敗竄官軍齊隊追殺約五六里賊因黨夥四散乃回旗列隊以俟劉松山郭運昌飭各營猛擊之鎗礮止刀矛接應戰半時賊始敗潰紛向東南奔竄官軍追至海豐縣屬之新集前阻一港賊乃折向東北而走劉松山等以尾追徒勞仍向正北截之行二十餘里至海豐縣屬之小山賊見官軍復阻其前乃折向西南趨官軍蹙之僅擒斬尾賊百餘忽大雨如注暫憩片時午後雨止整隊急行十餘里至鹽山屬之丁村賊方避雨散踞各村掠食意

官軍已追一晝夜必不卽至卧者坐者倚樹而憩者拋械而嬉者散漫雜還無復忌畏忽見官軍馬步隊到號呼齊隊官軍分路衝殺截賊數段羣賊各跨馬覓路奔逃約分三起一向西南一向正南一向東南官軍急起追殺十餘里至舊城始收隊計自初十夜至十一日且追且剿且行且戰往復角逐一百四十餘里約其斃悍擒是五六百名有無頭目在內未暇認別生擒逆目李生新及長髮賊一百八十餘名拔出短髮及新裹難民無數奪獲戰馬騎騾五百餘匹沿途拾取輜重旂械亦

無數劉松山所部陣亡者六名受傷者二十四名郭運昌所部陣亡者二名受傷者九名吉林馬隊受傷者二名此初十夜十一日劉松山郭運昌富珠哩訥蘇肯馬步官軍截賊鹽山海豐等境獲勝是在情形也是夜初更賊蹤距營約四十里有騎賊赴營投誠供張總愚以官軍太逼滅運兩河不可竄越畵諸賊明早向南逃走別覓活路劉松山郭運昌傳令各營就近加薪舉火示賊以形二鼓後潛師向鹽山南路橫出擊之行五十餘里天明抵滄州屬之張三村適與賊遇賊以騎賊抗追

師而令騎馬之步賊及排尾各賊急由南路竄遁劉松
山郭運昌督各營開放連環鎗礮傷斃騎賊甚多騎賊
敗潰官軍奮威衝殺截賊爲二左路之賊徑向南奔右
路之賊不能合併遂向西奔復折而南官軍分追二十
餘里抵滄州屬之宋村沿途又擒斬悍賊一二百名奪
獲騾馬器械不少午刻馳抵南皮屬之許家莊一帶馬
探回報賊之由張三村南竄者行至鹽山縣盤村適遇
張曜宋慶自南來迎頭截殺賊又大敗生擒賊目李幼
順韓耿及髮捻一百三十餘名拔出短髮及新裹難民

七百餘人斬獲無算劉松山及張曜朱慶等從此路壓
剿而南一由南路兜剿而北彼此相距數百里不期而
遇機勢湊拍寔出望外其右路之賊由南皮東光邊境
竄迎者申初竄至黎家集距連鎮僅二十里臣方派隊
截剿旋探賊已向甯津竄去追之不及酉刻竄甯津城
北繞東南急馳戌刻已至柴胡店蓋一日疾馳二百餘
里圖與南竄德平之賊合併也十三日五鼓劉松山等
追賊向西南行十餘里與張曜朱慶會晤合隊南趨至
山東德平縣邱家莊馳報戰狀敗賊由德平竄去此十

二日劉松山等軍剿賊獲勝寔在情形也其張曜宋慶
獲勝情形應由李鴻章奏報察看賊蹤似將由陵縣臨
邑一帶南趨張曜宋慶已由德平躡蹤而南南路兵力
厚集當可收夾擊之效李鴻章前飭各軍於德州陵縣
濟陽一帶掘壕築牆擬逼賊一隅殲之計工程亦可次
第告成臣現飭劉松山等馬步軍勒兵甯津以待所有
官軍截剿獲勝情形謹據寔馳報伏乞

皇太后

皇上聖鑒訓示謹

奏 同治七年五月十六日

補報喜昌戰事片

再 臣 於前月二十九日馳報防軍截剿北竄之賊連獲
勝仗摺尾附陳喜昌所有馬隊二十五日已抵樂陵未
及合隊空勞往返其時蓋未接喜昌稟報故也拜摺後
兩日接喜昌稟二十六日在樂陵探得賊蹤在海豐卽
帶隊趨行一百五十里抵海豐縣東北適賊又已由鹽
山南竄喜昌等於是夜四更拔營由慶雲縣橫出截之
二十七日行抵樂陵縣西遇騎賊六七百列隊抗拒各

營施放連環鎗破斃賊三十餘名敗賊紛紛向南竄駛其疾如風營總富珠哩訥蘇肯乘勝追擊陣斬悍賊八十餘名生擒三名至德平縣北十里于家集收隊二十八日始與劉松山郭運昌合隊臣前拜摺時不知喜昌馬隊二十七日戰事故有未及合隊空勞往返等語茲據稟陳應卽補敘又臣前摺所敘王心安二十七日甯津城東斃賊五六百名嗣經查明并無其事由甯津坐探聽該軍傳言之誤相應一併附陳以昭核寔伏乞

聖鑒謹

奏 同治七年五月十六日

軍機大臣 字寄同治七年五月十八日奉

上諭左宗棠奏擒竄直境截剿疊勝現籌防剿情形一摺
劉松山郭運昌喜昌等軍追賊至鹽山海豐滄州等處
疊獲勝仗擒斬甚夥該逆分起逃竄復經官軍追殺均
向德平南趨昨據李鴻章奏稱擬就馬頰河沿岸築牆
並於臨邑陵縣等處築挖牆壕與馬頰河民圩接續茲
據左宗棠奏稱李鴻章在德州陵縣濟陽掘壕築牆與
李鴻章昨奏大略相同左宗棠當督飭諸軍迎頭截擊

以固裏圍牆壞一面仍將沿運河牆聯絡民團兵勇嚴
密扼守並知會李鴻章丁寶楨英翰一體防運河岸牆
不可稍有疎虞致令賊蹤竄越寧津一帶防剿事宜並
著左宗棠飭劉松山等軍妥籌兼顧將此由六百里
諭令知之欽此

恪靖奏稿續編卷十三目錄

剿賊疊獲大勝摺

截剿竄賊大獲勝仗摺

截剿竄賊續獲大勝并安置降眾摺

覆陳仍留西安糧臺摺

勦賊疊獲大勝摺

奏爲官軍勦賊疊獲大勝恭摺馳報仰祈

聖鑒事竊劉松山郭運昌富珠哩訥蘇肯馬步諸軍截賊鹽山海豐滄州各境獲勝勦兵甯津以待情形業經臣於十六日馳陳賊由陵縣臨邑南竄濟陽張曜宋慶追之李鴻章丁寶楨英翰等率所部諸軍方挺刃以待賊至合圍困之詎張逆狡甚沿途見官軍橫牆已成獨留濟陽東面數十里缺口尙未修築知官軍將俟其深入而圈制之也甫到濟陽卽傍河沿東北行十六日賊

踪已近武定十八日又自武定竄樂陵邊騎向海豐霽
化一帶紛馳而去劉松山偵知之會商郭運昌富珠哩
訥蘇肯各率所部馬步全隊由甯津進鹽山二十日馳
抵鹽山偵賊之大隊尙踞海豐東及霽化北而邊騎則
抵海豐大山以南劉松山等向正南少東進之二十二
日抵海豐縣城北十二里邵家莊訶賊又折竄陽信南
四十五里之欽風鎮劉中口潘鼎新陳國瑞已向欽風
鎮前進張曜宋慶亦適由樂陵東北馳來度賊俟官軍
畢集後復將北竄也姑屯海豐西十四里高家莊待之

二十四夜初更馬探飛報賊北竄海豐正東少北之水
灣集龐家集吳家廟路場莊等十餘處距高家莊約四
十餘里乃發令向東北急進五鼓逼近賊巢賊祇防南
路各軍夤夜襲之不意我軍橫繞而來出其北面也劉
松山分所部兩路由左郭運昌由右富珠哩訥蘇肯率
吉林馬隊與劉松山郭運昌所部馬隊由步軍兩旁齊
進鼓聲起立將水灣集龐家集吳家廟三莊圍住賊首
張總道不知所爲三莊之賊約七八百均不及上馬經
官軍刀斫矛刺斬殺略盡各莊之賊聞鎗礮聲驚倉忙

齊隊官軍乘勝馬步縱擊將賊衝爲數段賊奪路狂奔而該地棗林錯雜動多室礙驟馬不能馳走刀矛不能轉側賊益窘甚劉松山等緊追十數里賊忽向西奔竄官軍馬步從北面向西壓之忽見後路塵起知先經衝散各賊將尋前面逸賊合併立派馬隊分馳截之擒斬略盡復向前躡追三十餘里至慶雲城南是日且戰且追蓋已一百四十餘里矣天色將晡大雨驟至始今收隊計共斃賊近千名生擒四百七十餘名內有賊目張達魁趙誠來李中春張飛鵬胡立信等多名訊明斬之

其不及辨認者不計也奪獲騾馬一千五百餘匹旂幟
刀矛千數百件劉松山所部陣亡七名受傷者四十二
名郭運昌所部陣亡三名受傷者三十名吉林馬隊受
傷者七名此二十五日劉松山郭運昌富珠哩訥蘇肯
等馬步官軍擊賊海豐大獲勝仗實在情形也二十六
日早大雨未歇午刻雨止劉松山仍率隊西行六十餘
里至南皮成家莊晡間偵賊竄踞砥橋劉祥家一帶地
在成家莊西四十餘里劉松山等傳令馬步各營是夜
二更出隊四鼓行近賊巢獲賊訊供知張總愚自二十

五日大創後不敢散踞村房見均圍聚砥橋各村樹林下將行矣劉松山商令郭運昌富珠哩訥蘇肯從賊北向南進親率所部向西進比至砥橋賊始驚覺紛向南路潰走官軍併力轟擊斃賊甚多乘勝猛追二十里抵甯津縣之耿家園沿途又擒斬百數十名午後仍向西南進至李家橋日暮收隊二更探賊忽折由東南竄三寶店地在李家橋東南約四十里劉松山等三鼓拔隊前進行三十餘里見三寶店火光更大角聲四起近村之賊均向三寶店竄走劉松山令步隊左右兩路同馬

隊先進張遠勢爲包抄之兵中路由大路緩進爲正兵
天明抵三寶店賊喉悍黨列隊拒官軍後路之賊先向
東路竄逸中路鼓聲起鎗礮連環轟擊賊敗東趨適左
右兩路馬步抄出三面圍殺賊益不支霎時尸橫遍野
騾馬軍械拋棄黍地者無算各軍緊追二十餘里收隊
計斬悍賊數百名生擒賊目郭永泰及小頭目劉中和
張順昌李福泰等多名餘賊二百餘名奪獲騾馬八百
餘匹官軍共陣亡七名受傷二十六名此二十七八日
劉松山郭運昌富珠哩訥蘇肯勦賊南皮之砥橋甯津

之耿家園三寶店一帶大獲勝仗之實在情形也方賊之竄海豐也臣於二十日率親軍各營由東光至南皮交界之朴莊擬俟賊由西南竄出近剿之嗣賊因劉松山等馬步各軍遮其西路徑趨南面而其時連鎮一帶運流復落防務緊要二十四日仍引軍回連鎮老營二十七日晨間探報先夜賊竄至東光縣東五十餘里董莊縣東四十里燈明寺已見邊騎卽夜又向甯津竄去午刻臣派親軍各營馬步全隊赴吳橋甯津之交截之是夜駐吳橋之雙柳店賊見西北路塵起料官軍大至

卽折向東南竄走各營於是夜四鼓向東南急進二十
八日未刻行九十餘里抵山東陵縣之升圖鎮沿途遇
散逸之賊絡繹不絕或匿秫林中或赤體無衣或有馬
無鞍見官軍至輒伏地乞命亦有自訴苦楚不堪求速
死者驗其髮長尺許相貌猙獰者斬之餘則押帶歸營
訊明籍貫分別遣釋以廣

皇仁惟是日黎明副將楊鳳元率馬隊前行遇騎賊數
百突起衝殺殲賊十數名奪戰馬數十賊折向東北絕
塵而奔追已無及三十日仍收隊回營臣訊賊目張從

才供二十七日午前張總愚由砥橋敗竄一處正小憩
聞忽見白旂紅邊穿新號衣官軍衝入館中伊卽上馬
逃遁詢以張總愚下落伊不能知查此賊係張總愚親
隨爲張逆管馬者據供前情是張逆已經官軍追及而
劉松山稟中並未聲敘不喻其故張逆性最狡詐屢敗
之餘深自隱匿臨戰每易衣換旂或竄入別隊以圖倖
免臣擬暫留該犯以備質也此次逆賊被創兇骸大衰
觀其黨夥披離不能歸隊已可槩見然巨逆自知罪惡
滔天難邀曲宥皖豫諸匪以原籍辦理過嚴歸路已斷

其直隸山陝一帶裹脅之人又以直東民團兇很異常
恐遭殺害其不得不忍死嘯聚苟活須臾亦人情之常
本非他日之黨堅交秘可比臣愚竊謂賊無不滅之理
亦斷無盡殺之理如果將士一心隨賊所在或迎截或
橫擊或尾追此倡彼隨聲勢聯絡則以十倍之官軍擊
數千之悍賊亦有餘力所謂賊無不滅之理也其輸誠
求撫之匪如經給以免死護照回籍後別無違犯則地
方官司不准牽引舊案絕其自新之機至於兵團之盤
詰宜嚴而擅殺在所當禁所謂賊無盡殺之理也見在

賊踪折向東北劉松山等馬步各軍仍駐甯津之北相機而動惟南路兵力甚厚而直隸運河一帶除臣所部駐運東且防且勦外西岸僅安陵有劉祺三營十五里口有李昌連兩營自連鎮北至減河一百七十餘里僅遵化練軍三營此外全係民團又難一律勻布似難深恃見擬與官文都興阿共籌妥策務計萬全仰紓

宵旰塵念所有剿賊獲勝情形謹據實馳陳其李鴻章丁寶楨所部各軍戰事應由其馳報合併聲明伏乞

皇太后

皇上聖鑒訓示謹

奏同治六年七月初一日

軍機大臣 字寄同治七年六月初三日奉

上諭左宗棠奏官軍剿賊疊勝一摺捻股竄踞海豐經
劉松山郭運昌等軍殲勦獲勝追至砥橋三寶店等處
生擒賊目多名賊敗東趨復由吳橋之東南竄走各軍
進抵陵縣沿途散賊甚多現在賊蹤折向東北劉松山
等仍駐甯津相機追剿此股賊匪迭爲南北官軍所敗
其勢已衰惟張逆狡猾異常非乘其黨夥披離四面兜

擊不能殄此渠魁左宗棠務趁官軍得手之時檄令劉松山等各率所部會合南北各軍乘機剿洗李鴻章英翰丁寶楨亦當嚴飭各將領前截後追毋任該逆得以喘息仍一面固守運防使無竄越都興阿計已馳抵減河何以久無奏報卽著會同崇厚迅飭陳國瑞等併力前進以期南北夾擊迅掃逆氛擒衆雖多其中勢窮被脅無路逃歸者諒亦下少茲據左宗棠奏稱賊無不滅及賊無盡殺等語不爲無見嗣後官軍接仗該逆衆如有投械乞降非罪在不赦者著該大臣督撫等分別遣

釋給以免死護照回籍後如別無違犯地方官概不准
牽引舊案故爲誅求並著出示曉諭各該州縣所屬圩
團遇此項人眾遣歸只准隨時盤詰毋得藉端擅殺以
示矜全並一面出示如有能將該逆首縛獻者給予重
賞使賊眾自相猜忌易於一鼓成擒左宗棠現駐運東
其西岸僅安陵有劉祺三營十五里口僅有李昌運兩
營連鎮北至減河僅遵化練軍三營其餘全係民團又
難勻布逆蹤屢圖北竄直隸運河一帶空虛甚屬可慮
卽著左宗堂就近會商都興阿崇厚妥籌布置以壯北

路聲威並著官文嚴飭臬司張樹聲於河間等處民團
妥爲勸諭與各官軍聯絡聲勢實力嚴防毋令賊蹤擾
及復肆蔓延將此由六百里各諭令知之欽此

截勦竄賊大獲勝仗摺

奏爲官軍截勦竄賊大獲勝仗據實馳陳仰祈

聖鑒事竊五月二十七八等日劉松山郭運昌富珠哩
訥蘇魯截賊南皮之祗橋甯津之耿家園三寶店一帶
大獲勝仗臣軍由連鎮躡追至山東陵縣之升園鎮一
帶接捕逸賊多名各情形臣於六月初一日馳報時卽
將逆賊被創兇斃大衰觀其夥黨披離不能歸隊已可
槩見據實馳陳矣劉松山等駐軍甯津東北訶察賊蹤
知其盤旋南河武定名處屢據輸誠賊日供稱張逆意

在遼集營縣出沒東北東南一帶誘官軍畢集東面則
燕鼠運西以覓生路臣宗棠以狡賊明知東迫大海北
阻滅河斷無自趨絕路之理飭劉松山等暫駐甯津勤
發確探視賊所向截之初四日黃河漸漲初五初六兩
日平陸成川賊由武定迤南向商河竄走劉松山等馬
步與賊相距匪遙爲積水所阻不能進擊初七日繞道
西南行初九日仍回甯津迤東之薛家莊疊據探報賊
踪在山東臨邑之陳家圩及濟陽之白菜窪一帶時則
張曜宋慶兩軍駐臨邑東南四十餘里之下溝郭松林

王心安莫組紳等駐臨邑城東南十餘里二十三等
目均未拔動劉松山知賊將北竄矣益爲之備迭據偵
騎馳報賊由東南疾馳而來十五夜初更竄抵甯津正
南西南二十餘里孫家集趙家莊尙家莊一帶騎賊已
漸及縣城西南劉松山等令軍士傳餐畢捲旂急追避
淖而行五鼓始抵賊巢賊不料官軍奄至恟懼不知所
爲劉松山郭運昌步隊分三路直搗中堅富珠哩訥蘇
肯馬隊及湘卓各營馬隊分從兩旁並進先圍趙家莊
尙家莊之賊斃賊數百兩村之賊始盡各路馬步均衝

入賊中縱橫挾盪賊紛紛潰竄維時野潦縱橫林叢彌望賊入其中自相蹂藉官軍乘勢蹴踏斬獲益多正追殺間有賊目張大福率張五孩舊黨七百餘下馬乞降劉松山等受之挑其健者隨行餘均赴甯津聽候發落追殺二十里忽大雨如注復冒雨追殺十里軍士衣履盡溼所配帶之火藥亦均須換領有賊目洪順林率馬賊百餘伏地乞降受之復整隊追至吳橋縣之大李家探報張總愚正候諸賊向三元渡口撲渡劉松山等派隊兜剿賊已經西岸官軍及礮船轟退聞後路官軍又

至遂折而南竄劉松山等於十六夜五鼓復各率所部
追之計十五夜十六日由甯津追剿至吳橋縣東北共
計斃悍賊一千三日百名生擒六百餘名內有江天曜
洪光明張星曜李元龍朱東顯等多名受降賊目除張
大福洪元林外據郭運昌稟賊目張鳳超率黨夥四百
九十七名於出隊時款營乞降又有賊目魯克桂及其
子魯全眷先約殺張總愚來降者至是率黨數百赴營
乞撫自稱逆目邱元才已經其黨刺殺仍俟立功自贖
又有賊目周六焦仲赴該營自稱有眾三千乞撫聞劉

松山十六夜五更出隊時有賊目率黨二千乞撫之事
尙未接報臣當賊踪竄至吳橋時派隊截勦沿途亦搆
獲逸賊百餘獲馬數十訊斬賊目徐世華支金玉黃萬
元屈舒賢屈起元周秋王春兒楊睹兒丁元兒等九犯
均從逆四年髮長尺許者餘並分別安置擬俟事定按
名遞籍降人中如有兇悍嗜亂者亦斷不令其倖免刑
誅致貽異日之患也據各賊供張總愚並未帶傷亦無
薙髮之事近因黨羽離心各思就撫憂懼無措此次折
竄西北本圖由東光泊頭一帶猛撲運河經老湘卓勝

等軍衝截始掣隊徑向西竄賊數存者多不過數千賊
目張總道邱遠才前幾日在鹽河邊經官軍擊敗同溺
斃水窪中陳二者坎亦在其內眾詞如一據此則張總
道邱遠才陳二老坎等逆目致死之由不同而其死則
確矣投降劉松山軍前之張大福僉供係張總愚之叔
所帶降人係張五孩舊黨即劉松山所稟亦同據此則
張總愚逆族死黨所存無多而賊勢披離亦確矣臣見
飭劉松山郭運昌等乘勝窮追誓滅此賊適黃運大漲
賊路愈窮以理勢論似歲事可期然利鈍則亦未可預

計也惟當殫誠盡瘁慎以圖之而已此次劉松山所部
花翎副將雷致祥花翎遊擊江春生衝入賊中血戰捐
軀實堪痛惜應請

旨交部從優議卹以慰忠魂謹據實馳陳伏

皇太后

皇上聖鑒訓示施行謹

奏

同治七年六月二十日

軍機大臣 字寄同治七年六月二十二日奉

上諭左宗棠奏官軍剿賊大勝並英翰奏皖軍戰勝收

降現在迫期情形各指覽奏均悉擒逆由前河北竄經
劉松山等截擊大獲勝仗逆口張大福等先後乞降現
在酌量辦理該逆等窮蹙來歸自應分別遣留妥爲安
置以孤賊勢英翰此次收降之擒首楊榮桂等並著妥
爲鈴束挑選精壯用作前鋒使之効力行間不至再生
反側惟左宗棠摺內前稱賊目洪順林後又稱洪元林
是否卽係一人著查明覆奏逆賊周大焦仲有眾三千
赴郭運昌營乞撫十六日夜又有賊目率眾二千赴劉
松山營乞撫之事郭運昌等現在已否收降作何安插

著左宗棠查明一併覆奏並著該大臣督撫等嚴飭各將領遇有乞撫之眾務須悉心稽察妥爲鈴制前據李鴻章迭次具奏剿賊大捷各情本日復據左宗棠英翰所奏情形大略相同賊黨業已離散必不能久張德愚雖未得確耗而其勢已孤著該大臣督撫等遵照前旨出示懸賞使之互相疑貳張總愚係著名逆首荼毒生靈重煩兵力諒該大臣督撫等同深憤怒斷不任其漏網卽著嚴飭各軍加緊追剿俾得剋日殲除以慰羣黎左宗棠奏副將甯致祥遊擊江春生力戰陣亡著交部

從優賜卹將此由六百里各諭令知之欽此

截勒鼠賊續獲大勝並安置降眾摺

奏爲官軍截勒鼠賊續獲大勝見籌追勒並安置降眾
情形據實馳陳仰祈

聖鑒事竊劉松山郭運昌馬步各軍十六日甯津吳橋
大獲勝仗並收撫降眾情形業經臣於二十日馳報十
七日五鼓出隊追賊適賊目湯松茂率騎賊及被脅難
民伏道乞撫劉松山受之簡其能戰之三百餘騎隨行
幼弱困乏者委將弁送回甯津分別安置申刻追及賊
之尾隊壽營營總余虎思率馬隊馳入賊中正衝殺間

賊掣隊分撲四面環集余虎恩率各騎縱橫血戰斃賊數十名賊欺其單拚命鏖鬪騎兵受傷者二十餘名戰馬亦各帶重傷劉松山等大隊馳至見余虎恩被圍立即齊隊猛擊斃賊約百餘名賊向德平一路敗竄十九日追至德平屬之周家莊忽得探報賊竄向商河劉松山知其誘官軍南趨仍將由東北逸出也屬郭運昌率所部回南津扼之二十日劉松山富珠哩訥蘇肯各率所部向東北前進行五十餘里抵樂陵之程家莊適與賊遇賊瞥見官軍即向北飛奔官軍緊蹙之擒斬二百

餘名是夜抵鹽山縣之張家村適探騎帶茹降賊回營據供賊盡聚保和寨一處距營約二十餘里劉松山以賊每防官軍四五更襲擊必不料官軍昏夜進攻也遂令各營飽食以待初更潛師急進行二十里擒坐卡賊六名斬之又行數里徑抵保和寨賊始驚覺賊之上馬者雖列隊抗拒其未及上馬及未成列者倉忙奔竄官軍奮威衝殺霎時賊屍枕藉其寨內未及逃竄之賊則盡殲之賊大股向西奔竄其衝斷名小股有向正北竄者有向西北西南竄者維時月明如晝官軍分路縱擊

賊之竄伏稀叢中者亦捕斬百餘名比天明向正北竄去之花旂賊目周祿帶騎賊二百餘馳回乞降劉松山受之仍整隊向西追擊行三十餘里調賊甫竄抵陳古村張村劉松山等各率所部急進張村之賊卽向東南竄走其陳古村之賊因隔一港未及與張村賊眾合併者約三四百名則已截殺略盡矣計共斃賊一千三百名奪騾馬一千四百餘匹生擒賊目李秀春成大義陳原廷等及餘賊三百五十名均陣前正法此二十二十一等日劉松山富珠哩訥蘇肯追剿逆賊大獲勝仗

之實在情形也。昆查逆捻連受大創敗殘之賊不過二
三千人能戰者不滿千人其中尙多軍械不全者首逆
張總愚屢次求死爲其黨所持暫免逆醜實窘蹙已極
將士暑雨奔馳勞瘁萬狀見多患疾症吐血者然壯氣
彌厲並未稍形懈弛臣以張曜宋慶陳國瑞等軍接續
南追而南路兵力既厚目前黃運交漲賊之去路已窮
必仍折而北竄飭劉松山郭運昌於德平樂陵一帶相
機兜剿並以連鎖池北連流東漫防務少鬆復飭臣親
軍各營一駐甯津之大柳一駐吳橋之梁家集以防漏

逸臣仍率親軍千餘駐連鎮以顧運防其收撫降眾先後兵計七千有奇挑其壯健者雜置前敵其疲困者暫留老營編入隊伍其被擄孩童詢明籍貫分別資送歸籍見刊護照路票兩種護照備給臨陣就撫之人路票備給被裹之老幼難民分別遣散大約老弱疲乏者先予分起資遣其壯健者則須俟事定後審編明白然後資遣回籍方期周妥也此次力戰陣亡之藍翎守備張得升藍翎把總胡松林應懇

天恩飭部從優議卹以慰忠魂所有續獲勝仗及籌辦

情形謹據實馳陳伏乞

皇太后

皇上聖鑒訓示施行謹

奏同治七年六月二十六日

軍機大臣 字寄同治七年六月二十九日奉

上諭左宗棠奏截剿竄賊續獲大勝並安置降眾情形
一摺劉松山等軍由甯律吳橋等處追賊直至鹽山沿
途獲勝並於鹽山之保和寨夜襲賊隊斬戮甚多生擒
賊目多名迭次收降難民賊眾分別遣留該逆敗殘之

餘僅止二三千人能戰者不滿千人兼多軍械不全其窘蹙情形已可概見正宜乘此機會力圖殲滅著左宗棠李鴻章英翰丁寶楨會督諸軍合力兜擊務期及早殄滅以奏膚功賊匪被剿情勢必乖隙圖竄運西左宗棠李鴻章當力籌扼截勿稍疏虞並著都興阿一面嚴顧運防一面督軍會剿崇厚亦當力籌軍火糧餉接濟都興阿軍營以應急需至各路軍營所收降眾惟有令在前敵殺賊如不肯盡力或與賊暗通消息者左宗棠等飭令前敵統將卽行正法沿河一帶防務現值喫

緊之時不可將降眾措置其間致貽後患該大臣等務
須慎之又慎不得稍涉大意其給發照票散遣老弱降
眾難民一節亦宜詳慎辦理不可掉以輕心致令奸匪
混跡渡河又形滋蔓此次力戰陣亡之守備張得升把
總胡松林均著交部從優議卹將此由六百里各諭令
知之欽此

覆陳仍留西安糧臺摺

奏爲遵

旨覆陳事竊臣欽奉

寄諭西安糧臺本爲轉運甘省軍餉而設屢次議撤議留辦理殊覺歧異著左宗棠將林壽圖所奏各情詳細酌度所有西征糧臺應否截撤之處卽著奏明辦理原摺著鈔給閱看將此諭令知之欽此臣於上年臨潼行營欽奉

寄諭左宗棠奏覆陳甘肅餉事通籌陝甘全局俟軍行

入甘卽當接篆任事並西甯撫局難恃各摺片據稱穆
圖善見飭林壽圖撤西安糧臺悉以餉事歸秦安糧臺
又分撥山西河東協餉歸雷正綰委員守催而以涇州
軍餉事寄之雷正綰恐涇軍先行疑慮若令慶涇各軍
概取給於秦安糧臺又輓長莫及且用兵西北必多驚
運道以備不虞似此專注漢中秦安一路設有梗阻必
致貽誤等語深中窺要見設西安之甘肅後路糧臺卽
著左宗棠飭林壽圖妥爲辦理毋庸遽議裁撤其甘肅
改設之臺卽責令就近轉輸川湖餉米以資撥運穆圖

事務將甘軍杉青蔡驗博節支用總計每月約實需餉糧若干咨明左宗棠商辦左宗棠亦當彼此兼顧源源接濟俾免誣漬之處欽此

臣茲復奉

諭旨垂詢西安糧臺應否裁撤竊維甘省後路糧臺設於西安原以司協餉之總匯總督兼轄陝甘兩省兵事餉事皆應通籌兩省藩司皆其屬吏甘肅後路糧臺原爲支應慶涇諸軍而設西安糧臺一撤無論後此由秦入隴餉道中斷不能從此進兵卽以目前局勢而言甘陝各回俱嘯聚該處一帶據爲老巢既不能停兵以任

賊之縱橫詎能停餉而任兵之飢潰林壽圖此奏自因
穆圖善奏撤西安糧臺改歸秦安不欲顛拂其意又前
奉

上諭慶涇各營餉需由秦安糧臺勻撥毋庸林壽圖兼
顧念西安糧臺餉源已絕正可藉此息肩惟思平慶涇
固一帶北通甯夏南達鞏秦地居秦隴適中實兩省孔
道糧臺專設秦安相去千里中隔賊氛無論臺撤餉空
各營失望即使西安糧臺餉需充足而道途險遠展轉
輻輳亦有鞭長莫及之虞且平慶涇固一帶在陝甘兩

省視之雖同是邊地而合陝甘兩省言之則當兩省中
其實爲腹地歷代關隴兵事未有不從此著手者地勢
然也卽臣將來回施關中分道入隴亦必於此開屯購
軍厲兵秣馬於進取之時卽寓善後之策庶幾左顧右
盼聲息相通方於兩省地方戎務均有實濟此西安所
設甘肅後路糧臺斷不可撤之實在情形也應請
飭下林壽圖仍遵

前旨妥爲經理毋庸遽議裁撤並請

旨飭下山西撫臣仍將原協慶涇之餉照舊撥解西安

糧臺並由臣隨時提撥協甘各款通融接濟庶餉有來源臺非虛設林壽圖亦母所庸其推諉矣至陝甘同一彫翹之區而甘肅尤素稱荒瘠見雖通融接濟藉資敷衍實則杯水車薪奚裨大局以陝省出入各款通計每年不敷之數約一百數十萬兩此則限於時勢無可如何非俟中原兵氣全銷不能以全力注之西北非俟關中元氣漸復不能以全力移之隴中局勢如斯穆圖善之屢次陳請本非無病而呻臣之力主先秦後隴亦非敢心存歧視謹因覆陳西安所設甘肅後路糧臺不可

裁撤實在情形一併陳伏乞

皇太后

皇上聖鑒訓示施行謹

奏同治七年六月二十六日

軍機大臣 字寄同治七年六月二十九日奉

上諭前因林壽圖奏請裁撤西安糧臺當令左宗棠酌
度具奏茲據左宗棠奏稱西安所設甘肅後路糧臺原
爲支應慶涇諸軍而設西安糧臺一撤秦隴餉道中斷
平慶涇固一帶實兩省孔道糧臺專設秦安遠道轉輸

亦有鞭長莫及之虞西安所設甘肅後路糧臺斷不可
撤等語左宗棠身任兼圻自應總權兩省而言通盤籌
畫既據酌度定議卽著林壽圖仍遵前旨將西安糧臺
各事宜照舊妥爲經理毋許推諉並著左宗棠隨時提
撥協甘各餉通融接濟俾得餉項有著克贖餓軍甘省
荒瘠情形既爲該大臣所深悉且現存兵數尙有百四
十餘營之多軍士待哺嗷嗷豈能枵腹荷戈雖先奏後
離勢有固然而唇齒相依實爲安危所繫該大臣務當
妥籌兼顧以濟急需不可稍存岐視致虞譁潰山西原

協慶涇之伯若鄭敦謹照舊撥解西安糧臺以歸簡易
穆圖善卽行轉飭林壽圖於協餉到時隨時提撥以資
接濟將此由六百里諭知左宗棠穆圖善鄭敦謹並傳
諭林壽圖知之欽此